

名 賢 氏 族 言 行 類 稿

九

卷之三

七

總校官進士臣朱銓  
校對官主事臣馮培  
謄錄監生臣郭遇

欽定四庫全書

名賢氏族言行類稿卷十八

宋 章定 撰

蕭 三百五十六

姓纂宋微子之後支孫封於蕭蕭叔大心子孫有功  
因邑命氏焉代居豐沛至不疑為楚春申君客

史記蕭何沛豐人也轉漕闢中給食不乏賜帶劒履  
上殿入朝不趨位為相國功第一封鄼侯食邑

八千戶 漢高帝紀鎮國家撫百姓給餉餽不絕糧道 次律令 太史公曰何秦時為刀筆吏錄錄未有奇節漢興依日月之末光謹守管籥為一代宗臣位冠羣后聲施後世

蕭望之字長倩東海蘭陵人治齊詩射策甲科為郎上疏陳灾異宣帝在民間聞其名曰此東海蕭生耶拜為謁者累遷諫大夫丞相司直歲中三遷 選為平原太守望之雅意在本朝為郡守內不自得上疏徵

入守少府宣帝察其材任宰相欲詳試其政事復以為左馮翊遷大鴻臚為御史大夫左遷太子太傅又拜前將軍元帝詔望之傳朕八年道以經書厥功茂焉賜爵關內侯本以師傳見尊重數宴見言治亂陳王事有八子至大官者育咸由望之堂折而不撓身為儒宗有輔佐之能近古社稷臣也

贊傳

蕭育字次君以父任為太子庶子後拜司隸校尉守大

鴻臚少與朱博為友長安語曰蕭朱結綬言其相薦  
達也

南史蕭思話孝懿皇后弟子也外戚令望早見任侍歷  
十二州杖節監督者九焉長子惠開遷御史中丞  
百寮憚之拜益州刺史嚴用威刑蜀人號曰卧虎後  
除少府加給事中益不得志曰大丈夫入管喉舌出  
蒞方伯乃復低頭入中邪每謂人曰人生不得行胷  
懷雖壽百歲猶為夭也次弟惠明亦有時譽為吳

興太守 子眎素梁天監中位丹陽尹丞武帝賜錢  
八萬一朝散之親友 榮利不關於中喜怒不形於  
色後為諸暨令到縣十餘日挂衣冠於縣門而去謚  
曰真文先生 惠明弟惠基善隸書及奕碁累遷太  
常加給事中立身退素朝廷稱為善士 子洽字宏  
稱累遷臨海太守為政清平不尚威猛人俗便之  
惠基弟惠休仕齊為廣州刺史 子介字茂鏡齊武  
帝曰蕭介甚貧可處以一郡復曰始興郡頗無良守

可以介為之及至甚著威德會侍中閼帝曰我門中  
久無此職宜用蕭介為之應對左右多所匡正遷都  
官尚書每軍國大事必先訪介帝謂朱异曰端右材  
也子允字叔佐晉安王鎮湘州以為長史蔡徵曰  
公年德並高國之元老從容坐鎮旦夕自為列曹何  
為辛苦藩外後拜光祿大夫允弟引字叔休善  
書為當時所重陳宣帝嘗披奏事指引署名曰此字  
筆趣翩翩似鳥之欲飛引謝曰此乃陛下假其毛羽

蕭耳性抗直不事權貴為庫部侍郎在職一年而器械  
充足宦者李善度蔡脫兒等多所請屬引皆不許族  
子密諫之引曰吾之立身自有本末亦安能為李蔡  
致屈

蕭琛字彥瑜惠開從子仕梁歷左戶度支二尚書侍中  
嘗預御筵醉伏武帝以棗投琛琛取栗擲上正中面  
曰陛下投臣以赤心臣敢不報以戰栗上每呼為宗  
老

蕭摩訶字元脩驍勇有名累以功授驃騎大將軍訥於  
言恂恂長者至臨戎對寇志氣奮發所向無前子

世廉有父風

蕭濟字孝康預平侯景功封松陽侯

蕭叡明字景濟蘭陵人見孝義傳

北史蕭贊字德文仕魏為都督齊州刺史機辯文義頗  
有可觀而輕薄傲儻猶有父風

蕭正表字公儀質貌豐美性理短暗至儀同三司

蕭祇字敬式為揚州刺史于時政寬人慢祇獨涖以嚴  
切梁武悅之子放字希逸居父喪以孝聞廬室前  
有二慈烏來集各據一樹為巢時以為至孝之感

蕭退在梁位青州刺史子慨深沉有體表善草隸書  
南士衆稱為長者歷著作佐郎

蕭泰字世怡授蔡州刺史政存簡惠深為吏人所安  
子寶字季珍未弱冠名重一時仕隋至吏部侍郎  
蕭搗字智遐溫裕有儀表魏使至梁武帝以搗辭令可

觀令兼中書侍郎授幣於賓館 仕魏為上州刺史  
為政以禮讓為本 元日放獄囚歸家三日並依限  
而至吏人稱其惠化

蕭圓肅字明恭風度淹雅敏而好學周明帝時拜咸陽  
郡守甚有政績改太子少傅作少傅箴太子見而悅  
之

蕭大圜字仁顯四歲能誦三都賦及孝經論語周文帝  
時位儀同三司心安閒放嘗云閭閻有優游之美朝

廷有簷珮之累 北山之北棄絕人間南山之南超  
踰世網藉纖草以蔭長松結幽蘭而援芳桂 歌纂  
纂唱烏烏可以娛神可以散慮

儒林蕭談篤學詩書春秋禮記並通大義尤精漢書甚  
為貴遊所禮拜國子博士

唐蕭詠後梁宣帝曾孫也少貧傭書事母孝煬帝以外  
戚擢羅川令

蕭瑀字時文梁明帝子愛經術善屬文嘗以劉孝標辯

命論詭悖不經乃著論非之瑀每上便宜上詔曰得  
公言社稷所賴朕既寶之故賜黃金一函 上言便  
宜建封建又上嘗謂瑀不可以利怵死懼社稷臣也  
賜詩曰疾風知勁草板蕩識誠臣又曰公守道耿介  
古無以過

蕭鈞有才譽為諫議大夫盧文操盜庫財高宗以自盜  
罪死鈞曰若是則天下謂陛下重貨輕法帝曰真諫  
議也詔原死

蕭嵩姚崇稱其遠到 會吐蕃陷瓜州同紇殺涼州守  
帝徙河西節度使懷保邊人諸部威憺十七年兼中  
書令在公謹密人莫見其際

蕭復字履初為學自力非名士夙儒不與游以清操顯  
為同州刺史歲歉州有京畿觀察使儲粟復輒發以  
貸人有司劾治刺史弔之復曰苟利於人胡責之辭  
上言宦者監軍權望太重是曹止可委宮掖事

蕭俛字思謙及進士第又以賢良方正對策異等元和

中皇甫鑄薦為御史中丞 王播賂權幸求宰相免  
劾播纖佞不可汚台宰

蕭倣字思道擢進士第累遷給事中 上以李璲為嶺  
南節度使已賜節倣封還詔書上以法當罰孔溫裕  
曰給事中駁奏為朝廷論得失與有司論奏不類不  
應罰 諱宗喜佛道倣諫以為天竺法非帝王之所  
尚

蕭遘字得聖擢進士第氣孤峻慕李德裕為人 遷負